

Autora local cu Buki nobo riba mercado



torial (Uitgeverij) Zwijsen a caba di publica Liliana su di cuater buki na Hulanda: 'Dier in nood', cu awor tambe ta obtenibel na Aruba.

E publicacion di 'Dier in nood' ta un obra cu un significacion special pa diferente motibo. E autora ta conta cu danki na e cooperacion di Animal Rights Aruba el a logra adkeri e informacion necesario pa por a duna e storia aki un base mas solido y creibel. Cu e publicacion di 'Dier in nood' cu ta trata e problematica di maltrato di bestia, Liliana ta spera di por agrega mas profunidad na literatura di mucha, concientizando su



lesadonan hoben por medio di topiconan actual. Tambe Liliana ta splica con

afortuna e ta di por a traha hunto cu Leo Timmers, un ilustrador hopi renombra mundialmente pa su estilo unico den e forma di arte aki.

Tabata un sorpresa grandi pa Liliana ora el a tende cu su buki lo worde ilustra pa e artista procedente di Belgica aki - cu no ta tuma cualkier trabao, sino ta scohe su obranan cu cautela. Esaki ta un gran honor pa cualkier escritor.

E buki 'Dier in nood' ta forma parti di e serie di buki 'Bikkels'; bukinan pa e mucha cu por lesa caba y kier mehora su nivel participando diferente aspecto di lesamento independientemente. Cu e storia ta tuma lugar na Aruba ta algo cu sigur nos muchanan lo por identifica nan mes cu ne, banda di e echo cu e buki ta trata temanan universal manera biahenan leu, un

bestia di cas, maltrato di bestia...

'Dier in nood' awor tambe ta obtenibel (of por haci pedido) na Aruba na De Wit & Van Dorp Stores, Samson Bookstore of otro libreria local. Por bishita Liliana su website nobo pa mas informacion tocante su publicacion y otro proyectonan na: www.lilianaerasmus.com

Den 2009 Liliana ta spera di por tin tur su bukinan, cu a worde publica na Hulanda te awor, den e librerianan na Aruba. E tin mas buki na caminda, pero e no ta bay divulga nada ainda, ya cu e ta gusta sorprende su publico cu semper ta entusiasma y cu hamber pa mas.

Fundacion Papiamente kier a felicita Liliana cu e logro nobo aki, deseando e hopi exito cu tur e bunita proyectonan cu ta na caminda.

ORANJESTAD (AAN): Den 2009 autora local ta sigui cosecha exito como escritora no solamente na Aruba, pero tambe den exterior. E cas edi-